



## **Universitätsbibliothek Paderborn**

### **Medvlla Theologica**

Ex Sacris Scriptvris, Conciliorvm Pontificvmqve Decretis, Et Sanctorvm  
Patrvm Ac Doctorum Placitis Expressa ; In qua, quidquid tum ad fidei  
mysteria sanè ac rectè intelligenda, & ab erroribus quibusvis secernenda,  
tum ad sacramenta debitè conficienda & ministranda, tum ad actiones  
humanas iuxta ...

**Abelly, Louis**

**Coloniæ Agrippinæ, 1658**

VIII. Quodnam sit illud, in quod vltimò fides resoluatur.

**urn:nbn:de:hbz:466:1-38954**

## SECTIO VIII.

*Quodnam sit illud, in quod vltimò fides  
resoluatur.*

**S**ensus questionis est, in quid fidei assensus ex parte obiecti debeat vltimò resolui, seu ad quod principium reuocari debeat, ultra quod non progrediatur, sed in eo quiescat.

Antequam autem propositam questionem responderetur, unum est hic presupponendum, scilicet ad assensum fidei supernaturalis præter reuelationem Dei, requiri, ut veritas credenda proponatur ab ipsa Ecclesia tanquam à Deo reuelata: quamvis enim hæc propositio Ecclesiarum non sit de formali ratione ipsius obiecti fidei, est tamen veluti conditio quædam requisita, sine qua fidei Christianæ assensus secundum legem ordinariam elicetur non debet.

Hoc constat ex ijs scriptura locis, in quibus dicitur ea, quæ fidei sunt, ab Ecclesia pastoribus & Doctoribus esse discenda; Jerem. 3. *Dabo vobis pastores iuxta cor meum, & presentes vos scientia & doctrinâ: Malach. 2. Labia Sacerdotis custodiunt scientiam, & legem requirent ex ore eius: Ad Ephes. 4. vbi dicitur, quod Christus, dedit Pastores & Doctores ad confirmationem Sanctorum, &c. ut iam non simus parvuli fluentes, & circumferamus omni vento doctrinæ.*

Sancti etiam Patres idem docent. S. August. lib. I. de moribus Ecclesiæ cathol. cap. 13, ait Ecclesiam esse magistrum totius Sapientie Christianorum; & cont. Epist. fundamentali cap. 5. *Evangelio non crederem, nisi me Ecclesia catholica commoueret auctoritas; & S. Cyri I. Hierosol. catech. 5. Fidem, inquit, si didiceris, promissionem possidabis; & observa illam à sola Ecclesia esse traditam, & ex omni scriptura munxitam.*

Diximus (secundum legem ordinariam) nisi enim Deus ita voluisselet, illa Ecclesia propositio necessaria non fuisset; sed pro sua infinita sapientia & bonitate ita disponuit.

Suit ad maiorem fidei nostræ securitatem & firmitatem; ut ad ea credenda rantum obligaremur, quæ nobis ab Ecclesia (cuius authoritas Deo assistente falli non potest) proponerentur; quæ ideo vocatur ab Apostolo 1. Tim. 3. Columna & firmamentum veritatis, quam qui audire noluerit, esse nobis debet sicut ethnicus & publicanus. Matth. 18.

Hoc præsupposito, difficile non erit explicare, quomodo resolutio fidei nostræ fieri debeat: si enim v. gr. quærat aliquis, quare credas in una essentia diuina personarum Trinitatem, vel alium quemlibet fidei articulum? distinguere debes, vtrum inquisitio fiat de causa fidei secundum se, cur scilicet firmiter & indubitanter id credas, vel de causa seu ratione, ob quam illam fidem amp' exus fueris, & illam profitearis. Si primum, respondebis te id credere, quia Deus reuelauit. Si inquit, ynde scias Deum reuelasse, respondebis, quia id habetur ex scripturis, vel ex diuina traditione. Si yrgeat, cur credas huic scripturæ vel traditioni, ultimo loco respondebis, quia Ecclesia talēm scripturam vel traditionem vt diuinam agnouit; nobisque ut sic credendam proposuit: & in ea Ecclesiæ definitione & propositione fides nostra fisti debet, nec ultra progredi.

Quod si ulterius adhuc quærat, quare credas Ecclesiæ, & ynde cognoscas illam in propositionibus suis falli non posse: respondebis te id ex Scripturæ sacræ testimonio cognoscere: neque propterea vilus erit circulus vitiosus in eo, quod scriptura per Ecclesiam, & Ecclesia per scripturam probetur; non enim eadem sed diuersâ ratione fit hæc probatio reciproca; sicut Legatus à Rege missus exhibet primò litteras Principis, & declarat esse veras; sicque earum stabilitatem, postea vero eadem litteræ iam receptæ vicissim Legati missionem potestatemque ipsi à Rege concessam probant, sed diuersâ, vt dictum est, ratione; aliter siquidem authoritas est in Legato, & aliter in regis litteris; in illis enim litteris est tanquam in signo authenticō, quo voluntas regis dec' a-zatur; in Legato vero tanquam in subiecto, in quo authoritas

ritas

ritas illa recipitur : sic Ecclesia ostendit & profert scripturas canonicas, per quas nobis diuina veritas & voluntas innotescit, & vicissim ab ipsis scripturis autoritate suam accipit.

Quod si ista non plenè satisfaciunt, minimè mirum est ; cùm (vt supra dictum est) obscuritas & ineudentia sit conditio absolutè necessaria in rebus credendis ; fidesque nostra sustentari & roborari debeat potius à gratia interna, qua nemo deest, & per quam Deus in eum & vires ad credendum subministrat ; quam ab illa demonstratione externa.

Iam si fiat inquisitio de 2. scilicet de causa & ratione mouente ad credendum, & rogetur quis (cùm & diuinæ revelatio, & Ecclesiæ propositio obscuritatem & ineudentiam secum semper iunctam habeant) quid ipsum impulerit, vt hunc quasi labyrinthum rerum obscurissimorum ingrederetur, & hanc fidem amplecti & profiteri vellet : tunc decabit & exponet rationes & argumenta credibilitatis, quibus ipse inductus fuerit, & qui quis prudenter induciri poterit, ad amplectendam & profitendam huiusmodi fidem.

## SECTIO IX.

### *Quomodo actus fidei sit in proximam redigendus.*

**C**um (vt ait S. Thomas 1. 2. q. 55. a. 2.) virtus sit habitus operarius, cuius perfectio in actione consistit;

vt nihil hic deficit eorum, quæ ad fidei perfectionem requiruntur, restat adhuc videndum, quâ ratione fides auctus suos exercere possit : pro cuius rei explicatione

Observandum est 1. quod, quamvis fides ad potentiam cognoscitiam pertineat; ad illius tamen actum (vt initio huius tractatus dictum est) non solus intellectus, sed etiam voluntas debet concurrere : quia, cùm actus fidei

sit